

8 Nochd mnà t'athar cha leig thu ris: *is e* nochd t'athar e.

9 Nochd do pheathar, nighinn t'athar, no nighinn do mhàthair, co dhiubh a rugadh i aig an tigh, no rugadh a mach i, *eadhon* an nochd-san cha leig thu ris.

10 Nochd nighinn do mhic, no nighinn do nighinn, *eadhon* an nochd-san cha leig thu ris: oir *is e* an nochd-san do nochd féin.

11 Nochd nighinn mnà t'athar, a ghineadh le t'athair, (*is i* do phiuthar i) cha leig thu ris a nochd-sa.

12 Cha leig thu ris nochd peathar t'athar: *is i* ban-charaid ro-dhileas t'athar i.

13 Cha leig thu ris nochd peathar do mhàthar: oir *is i* ban-charaid ro-dhileas do mhàthar i.

14 Cha leig thu ris nochd bràthar t'athar, cha d'thig thu 'm fagus d'a mhnaoi: *is i* bean bhràthar t'athar i.

15 Cha leig thu ris nochd do bhan-chleamhna: *is i* bean do mhic i, cha leig thu ris a nochd.

16 Cha leig thu ris nochd mnà do bhràthar: *is e* nochd do bhràthar e.

17 Cha leig thu ris nochd mnà agus a h-ighinn<sup>a</sup>, ni mò a ghabhas tu nighean a mic, no nighean a h-ighinn, a chum a nochd a leigeadh ris; oir *is* iad a ban-chairde dilse iad: *is* ain-gidheachd e.

18 Ni mò a ghabhas tu bean maille r'a piuthair, a chum a buaireadh<sup>b</sup>, a leigeadh ris a nochd, a thuilleadh air an té eile, am feadh *is* beo i.

19 Mar an ceudna cha d'thig

thu 'm fagus do mhnaoi a leigeadh ris a nochd, an uair a chuirear air leth i air fon a neo-ghloine.

20 Agus cha luidh thu gu collaidh le mnaoi do choimhearfaich, a chum thu féin a thruaillleadh leatha.

21 Agus cha leig thu le neach air bith do d' fhliochd dol tre 'n teine do Mholech, ni mò a mhinnaomhaicheas tu ainm do Dhé: *Is* mise an Tighearna.

22 Cha luidh thu le firionnach mar le bainionnach: *is* gràineileachd e.

23 Ni mò a luidheas tu le h-ainmhidh sam bith gu d' thruaillleadh féin leis: ni mò a sheafas bean sam bith roimh ainmhidh gu luidhe sìos da: *is* ambluadh<sup>c</sup> e.

24 Na traailibh sibh féin ann an aon sam bith do na nithibh sin: oir anns na nithibh sin uile thruaill na cinnich *sin* iad féin, a thilgeas mise mach romhaibh.

25 Agus shalaicheadh am fearann: uime sin leanaidh mi ain-gidheachd air, agus sgeithidh am fearann féin a mach a luchd-àiteachaidh.

26 Uime sin gleidhidh sibh mo reachdan agus mo bhreith-eanais, agus cha dean sibh a h-aon air bith do na gràinealachdaibh sin; aon chuid neach sam bith d'ar cinneach féin, no coigreach a bhios air chuairt 'nar measg:

27 (Oir na gràinealachda sin uile rinn daoine na dùthcha, a bha romhaibh, agus tha 'm fearann air a thruaillleadh)

28 Chum nach sgeith am fearann sibhse mach mar an ceudna, 'nuair a thruaillleas sibh e, mar

<sup>a</sup> inghin.

<sup>b</sup> brosnachadh, cràdh.

<sup>c</sup> aimlisg; confuson. *Sefg.*